

Headline	Ganti rugi RM 502,878		
MediaTitle	Harian Metro		
Date	15 Dec 2017	Language	Malay
Circulation	179,231	Readership	537,693
Section	Setempat	Page No	34
ArticleSize	405 cm ²	Journalist	Mahaizura Abd
PR Value	RM 47,679		



34 | setempat | 15-12-2017

Ganti rugi RM502,878

■ Mahkamah benarkan TNB tuntutan bil berkurang terhadap kilang ais usik pemasangan meter

Mahaizura Abd Malik
mahaizura@hmetro.com.my

Kuala Lumpur

Mahkamah Sesyen Sungai Petani, semalam membenarkan Tenaga Nasional Berhad (TNB) menuntut bil berkurang caj berjumlah RM502,878 daripada Atlas Edible Ice (Penang) Sdn Bhd kerana mengusik pemasangan meter elektrik di kilang berkenaan hingga mengakibatkan kerugian kepa-

da TNB.

Hakim Zanol Rashid Husain membenarkan tuntutan TNB selaku plaintif terhadap defendan, kilang perusahaan ais dari tarikh penghakiman dengan kos tindakan dan faedah.

Dalam penghakimannya, TNB berjaya membuktikan terdapat pengusikan pada pemasangan meter elektrik ketika kakitangan TNB melakukan pemeriksaan di kilang berkenaan yang terletak di Taman Kangkong 2, Lunas pada 12 Julai 2011.

TNB diwakili peguam Ong

Wee En dan Sarah Hani Rohizam dari Tetuan Lim Huck Aik & Co yang mengemukakan writ saman pada 18 Julai 2016.

Pemeriksaan TNB mendapati wujud pintasan wayar asing iaitu wayar tembaga berpenyabit biru yang digunakan untuk memintas arus pendua ketiga-tiga fasa merah, kuning dan biru pada Terminal SI

FAKTA
TNB berjaya membuktikan terdapat pengusikan pada pemasangan meter elektrik



blok terminal ujian (TTB).

Pengusikan ini menjadikan meter merekodkan jumlah penggunaan elektrik di premis defendan kurang daripada nilai penggunaan sebenar.

Sementara itu, defendan

diwakili peguam Ong Kheng Leong dan Muhammad Zaidi Izman Murugan dari Tetuan Ghazi & Lim serta Shahidan Baharom dari Tetuan Ismail Badluzzaman & Associates.

TNB mengemukakan tiga saksi, manakala defendan dua saksi bagi memberi ke-

terangan sepanjang perbincangan berlangsung.

Perbincangan penuh terhadap kes berkenaan diadakan lapan hari pada 12 hingga 13 April, 19 Julai, 13 Ogos, 18 hingga 19 September, 23 Oktober dan 13 November lalu.